

四庫全書

集部

欽定四庫全書

景文集卷十五

宋 宋祁 撰

七言律詩

春霽

一雨初晴小霧披
海天羊胛報晨暉
寒消艷雪沈樓唱
暖入重簾御袷衣
柳外輕黃紛漠漠
梅梢殘白悵微微
烟臯笑電無窮樂
行御鯨牙逐錦翬

寄鄂渚胡從事

紅蕖薰幕得僚英，膝下班裳捧檄榮。
露茗一槍蠲蜀渴，絲萸千里佐吳羹。
駐車吏識官橋柳，作賦人傳隴坻鸚。
夜席兩宮求士切，天官寧復帶糊名。

成都

風物繁雄古奧區，十年儉父巧論都。
雲藏海客星間石，

成都有一石人傳嚴君平所辨星石今在嚴真觀

花識文君酒處壚，兩創作關

屏對繞二江，聯派練平鋪。此時全盛超西漢，還有淵雲

抒頌無

寄題滑臺園亭

有處行春住杏鵲列亭相望闕翬聯花銜曉圃三竿日
樹遶洪河一曲天芳草細迎吟路屐翠簫徐轉飲溪船
勝遊惠政成雙紀乞與州圖後世傳

史逸人

留停滯穗壤餘蔬畝首東南樂隱居席地雕鵲千日酒
振緡丹水百金魚溝渰弄月蘋汀晚嗚噓調琴茵閣虛

霄外高情思把袂西疇何日一巾車

送保定張員外

傾座仙風冠穎奇
枳鷺移調位猶卑
蘭薰夕膳三杯案

君榮侍二
親而行

草妬春袍一綵絲
烟成星殘低序鴈
隴天雲

斷送歌驪報成結
課行堪待慰薦連
章達帝帷

歲稔務閒因美成都繁富

岷峨俗美漢條寬
野實呈秋照露寒
賣劍得牛人息盜
乞漿逢酒里餘歡
錦波濯綠霞湔浦
磴浪催輪雪沸灘

告稔不須騰驛奏自應銅爵報長安

蘭軒初成公退獨坐因念若得一怪石立于梅竹
間以臨蘭上隔軒望之當差勝也然未嘗以語人
沈吟之際適髯生歷階而上抱一石至規製雖不
大而巉巖可喜欲得一書籍易之時予几上適有
二書乃插架之重者即遣持去尋命小童置石軒
南花木之精彩頓增數倍因作長句書以遺髯生
聊志一時之偶然也

竹石梅蘭號四清
藝蘭栽竹種梅成
一峯久矣思湖玉
三物居然闕友生
賴得髯參令我喜
飛來靈鷲遣人驚
小軒從此完無恨
急掃新詩為發明

白兆山寺值雨呈同坐

飛軒憑望俯丹梯
星雨囊風暝夕曦
翠阜天遙雲待簇
紺園花老樹低枝
巾車預畏烟疇迴
蠟屐先憂磴道危
未似庾公年最少
桑郊盤馬帽簷欹

祇答洛臺資政房春卿侍郎

青綾襪罷歇徐薰龐吏多年嘆不文病合避賢拋內署
老堪為帥忝中軍聲名已愧空如餅富貴原知薄似雲
多謝翔鸞念籠鵠不然誰信舊同羣

答屯田齊員外見贈

淹卧清漳續畔牢平時賦筆謝登高決科漫欲當三道
作頌何曾敵二豪久侍經幃慙肉緩驟歌樓雪覺心勞
兼金滿橐萱憂釋空仰文星在漢曹

送馮彭寺丞長興知縣

天外仙鳬鳥影翻河干畫鷁棹聲喧奇才欲向菰蘆國
麗賦空留霰雪園短柳搖搖迎去袂初花的的伴離蹲
汀蘋續賞饒清思為拂吳興舊墨痕

寄贈高知縣

綠髮如雲艾受青絃歌百里久沈英琴臺滯訟投刀釋
月觀雕章夢草成紫芋蹲鴟編富籍飛觴浮蟻析朝醒
何當入會甘泉計玉樹扶疎倚太清

送梅學密赴并州

連天橐筆侍天臺始見東方畫隼開路避晚風峭外轉
人瞻冬日絳中來笳簫後隊聯幽俠壁馬中軍聘楚材
自昔河東股肱地不應歸節嘆淹徊

送河中司馬待制

從祀天壇歌翠薰西門征輶愴離羣暫違冊府三重閣
先過樓船一曲汾賓炙擊魚開左席戲壺爭馬宴中軍
鵲樓西北懷都思盡日憑高不礙雲

抒懷恭荅待制施正臣

誰謂斯人玷玉堂憂懷易得復難忘素書不答還堆案
長簾無情但竟牀涸思論文成軋軋涑年著鬢有蒼蒼
病襟殊忘支離醜為恃君家白雪章

喜屯田凌員外至

昔歲裁詩送為郡今年把袂喜還臺道妍賦筆悲秋罷
寂寞衣囊被謗迴勁節肯凋霜外葉驚湍須畏岸前堆
撫塵舊友今皆在笑口何妨為數開

寄連元禮屯田員外

共憶西州把酒卮酒酣風味未全衰人驚李郭同舟日
句索揚何共和時省帳飄香君覲早篋書騰謗我歸遲
予留為鄭他年會面須驚恨瘦盡崑山玉樹枝

張生南歸

謁舍修容倦刺毛紛紛朱紫笑銀袍吳天破月愁歸晚
楚俗傷春忌唱高江步挈舟雙打漿酒亭橫幟一持螯
平臺鄒馬英游盛霏霰連天待賦毫

冬夕酌酒

艾夜更壺幾沸殘尚持杯酒御輕寒半分沈令傷多瘦
數刻劉郎惜暫歡天外月痕迷倦鵲庭中霜氣伴衰蘭
接羅不倒糟難藉坐見丹煤委燭盤

答常山屯田張中行寄贈

紫荷焦脫燥宮毫萬里邊霜擾鬢毛不稱衰年開幕府
只堪平世掾功曹飛蓬轉野初無定瘡鴈驚弦久未高
猶有一愁何計奈擲硯難報美人刀

四愁一曰美人贈
我金錯刀何以報

之英

瓊瑤

答郭仲微以予記注見慶之作

曉趁霜暎立殿螭翠凹濡墨慶逢時褚生徒記為郎事
方朔猶慙待詔飢目極天關趨窳窳步依宮枿蔭華滋
故人雅意相憐厚親唱陽春護草衰

送袁道士赴舉

秋郊帳飲署烟銷素籥涼颼滿沈寥南國大沽三獻玉
西京催駕一封軺頻年衣敝緇塵化幾夕文成密雪飄
奏御前期深底處紫清仙闕鬱嵒堯

次韻宮師相公答太傅相公秋書

歲樹蕭蕭秋興歸師臣仍此褫朝衣羽觴聊欲同賓壽
玉體何曾待戰肥風圓薄寒浮罪枉雨霰新浪拍漁磯清
篇自有夔龍舊方外相從屏世機

登樓

百尺危樓照綵霓憑高不見羽人歸桑田海上悲深淺
城郭人間歎是非急檣征帆來未定遠雲低樹去相依
古歡今恨成多少詎減江聲與翠微

送元諍歸中巖

并序

予昔家景陵與師同預北禪祚公法席後三十年予守
成都師自富順監肯來洒然話舊昔之壯也今瘁昔之
鬢也今華師雖忘懷予不能無感俄而告還作詩一解
以慰其行

景陵同坐貫花筵日月飛馳三十年兩股尋回江上錫
一燈分照劍南天巖雲護鉢龍降咒林露侵衣鶴警眠
此地相逢須重別在家靈運已華顛

同年王聖源南都講授

聖源嘗以
事免職

刻意悲秋髮未華
諸曹頻費杜陵嗟
歌緣郢客高難和
璧是秦人誤指瑕
綠底恩書褒振滯
烏衣羣從慶還家
離宮萬戶經庠盛
卻對諸生坐絳紗

守塞三年上北京
留守賈相公

天心北顧倚長城
上相元戎雨印榮
雞羽靜沈傳處檄
虎皮間裏戰餘兵

河朔兵甲盡
貯北都武庫

九霄冬日人蒙惠
萬未

春霖俗勸耕和氣
愈充身愈退只憂
難避是功名

公屢
乞閒

郡蓋避功
名之地

雨洗星街夜祓空暫持魚牧守離宮臯陶舊曲明良內
卻教高談禮樂中戴筆後車雲蓋密鳴饒前隊錦繡紅不
妨華髮千官上始稱凌烟第一功

暮春

伏檻臨堂更曲池鮮風淡蕩燕參差蕙殘已覺銅盤冷
梅落猶煩玉笛吹拂世只愁衣帶緩當筵但訴玉杯遲
羲和辛苦真何益不放金烏宿故枝

感懷

俯首周南淚未乾，驚開魚素得雙盤。
心隨月樹烏三匝，病費仙山藥一九。
久許橫經陪闕里，更憂舉步學邯鄲。
髀銷衣緩風波苦，鴻陸歸飛燕厦寬。

續抒感懷

出塞屯營卧治州，黃雲三結塞垣秋。
敦詩未必真謀帥，有恨何妨老不侯。
百慮參差非壯境，一樽寥落但邊愁。
此時自躍知無愧，萬物爐中許見收。

官廩月錢不足經費

俸微纔給斗升儲煬竈烟沈乏爨蘇下澤出游無款段
長安飽死羨侏儒病杯殘喧分蛇影夢管流塵晦鼠鬚
天極包荒恩未報敢隨張翰憶秋鱸

書懷

顏徒陋巷不堪憂日晏南榮擁敝裘已識交情一貴賤
寧論書置自沈浮爭名在昔閑探穴嗅餌何人肯直鉤
強欲誅茆啓三徑邑中無客繼羊求

功成有意避齋壇
晚柱無瑕玉更寒
萬里長風收戍旆
三年零雨拂歸鞍
樽中酒美催高會
圜上書閒得細看
歲晏雪圍賓蓋少
要須杖屨奉餘歡

春雪

銀礫欺春亂眼來
重陰萬里壓平臺
光沈後牖將飛瓦
艷補南枝已落梅
池曲平翻冰共泮
山腰未積玉爭顏
長安併長旗亭價
蜀女當壚自滌盃

春雪寄鄭府尹

風御憑空攬玉塵急飄斜舞碎霙勻九重闕裏都無夜
五出花前自作春賸借薄寒添鴈夕強留餘晦惱鶯晨
須知柳絮紛紛態迷殺章臺便面人

看雪

慘淡繁雲密霰狂結瑤城堞儼相望偷尋柳絮思隋岸
誤折藜光認洛陽斜透綺簾欺翡翠旋迷樓瓦失鴛鴦
平臺賓客今何在誰繼鄒枚從孝王

望仙亭真酒看雪

雪壓春期蔽曙空，憑高把酒思無窮。
光侵病鬢都成白，寒著醅顏久未紅。
淮汭亂迷珠罅月，柳園狂誤絮時風。
使君醉筆慙妍唱，半落巴人下里中。

答通判張太博賀雪應期

親祝星魚裂繒綃，再旬方見瑞英飄。
陰連臘底寒威在，潤壓春頭瘴氣銷。
碎粒有聲欺瓦屋，亂花無次惱林條。
府中上客真才子，首為常民續楚謠。

對雪二首

風過龍山萬里沙
密雲疎霰渺無涯
臺疑穆滿都成壁
樹憶黃奴併是花
曾許輕姿饒白羽
解將寒力減沝霞
梁王不悅鄒枚老
同坐睢園念歲華

紫叢著樹半瀟瀟
皓氣妍華混沱寥
為倚風流偏解舞
故藏朝暉未成消
玉繩四徹仙風迴
銀界三千佛國遙
向曙紛紛殊未已
九門知有謝莊朝

和晏相公乘輿宿殿致齋日巡仗遇雪

天京飛雪灑車裝
九九清塵御路長
斜影不迷宣曲騎

薄花纔點羽林槍
觀遠麗色含鵝鵲
蓋外輕陰亞鳳凰
誰識憲騎巡連盛
賜袍衝霰入林光

和晏相公夜歸遇雪

孝王臺下糝花飛
草草歸駢驟碧蹄
斗作暝寒凌冒絮
更回餘舞拂鄣泥
城連迴闕迷蒼鳳
人度長橋壓素蜺
顏玉正酣天幕靜
不妨清思入新題

漢南都監官廨射亭

的暈遙連射圃牆
碧簾烟瓦闌翬翔
庭中桂樹含春早

席外簾衣拂地長
鱸縷薦盤鰕項
縮酒杯行算蟹螯香
主翁綬帶多歡極
寶轄沈聲在井桴

寄獻許昌晏相公

右輔風烟接上都
功成番愛駐舟旂
爐經萬物為銅後
田是諸侯假壁餘
合宴金袍催大白
當年寶從照紅蕖
向來病守成惆悵
不預懷鉛奉相車

絕筆

多年卧病壓腥腰
香飯初依竺國流
宣父蒲蒹真可學

鍾岵蚶蠟更無求爐銷午篆天花泊几隱宵登偈葉留
割肉魚羔非我事此身今悟一浮漚

寄題眉州孫氏書樓

魯簡多年屋壁藏始營翬棘瞰堂皇髹厨四匝香防蠹
鏤槃十題縹製囊定與鄉人評月旦何妨婢子誦靈光
良辰更此邀清賞庭樹交陰雋味長

南峴候館晚春有感獻郡守

春暉明淡上三竿風苑愁紅邁帶殘夢後單衾凌晚薄

體中餘酒向心寒
山梁臭雉晨羞飫
摘鼻磨鉛藻思乾
深愧府公賓禮厚
不教持版預羸官

三月晦日

靜彈塵憤照溪流
泊春芳向盡頭
早葉乍濃留客坐
晚花猶在索人愁
最憐幽草能縈帶
已覺浮雲解映樓
白髮未多須劇飲
羸輪寧屬阿戎籌

夜晏

卜夜金華逼綺寮
星河垂地漏聲遙
吟龍逸怨先供舞

留風愁寒不傍簫隔坐聯章催鏤管分行度曲認金翹
平明便是驪駒別莫使衣香即日消

答燕龍圖對雪宴百花見寄

百花洲外六花寒使幕凌晨把酒看舞袂回風人闌麗
醉山頽玉客留歡斜霏北渚離鴻下密灑東風寶騎摧
猶念平臺舊朋侶遠將清句代幽蘭

休日閒古堂小宴

宴堂叢檄倚晨霏客衽清風酒力微曲沼新荷能碍釣

霽林濃葉不通飛盤紛素膾魚腴美齒漬寒津蔗境肥
一笑相歡無吏責張扶應悟坐曹非

陳奉禮宰四明

大庭聯袂挾英華龍鳳池名在一家鴈塔墨痕鵠繼序
桂林春色棣交花袍薰茂草萋萋遠檣豎歸風柳柳斜
靈越弦歌皆勝踐遽賡清思賦餘霞

答彭州職方朱員外公綽

四忝方州換隼旟九番官樹老儲胥淹留太史編殘膏

廢忘河東篋裏書
遠想淵雲才不逮
略通印楚計仍疎
夢迴密友偏矜我
時捐瑤音附鯉魚

艤舟懷信亭

使麾得請印垂腰
不畏秋風病鬢凋
游子已携河上手
客槎猶在斗邊橋
水從南浦傷離劇
馬近東方作意驕
曉榻夢回翻自愧
卧聽人赴午門朝

省判李度支碩相遇叙別兼述感懷

君趙召節向中臺
我至邈州未得回
頭白羞論天下事

眼青欣舉故人杯
池蛟得雨鱗先動
霜隼乘風翅始開
見上若詢頗牧將
為言儒帥果非才

監中會兩禁諸公
飲餞吳舍人梁正
言富修撰葉龍圖
以計省不赴作詩
見寄

殊庭詔蹕斗車回
學省歌驪宴豆開
孺子橐閒同放筆
景山當暖不停杯
橋門細溜生寒沼
經市斜光落晚槐
捉塵知君非興淺
枉教華劇計籌催

客自茂來言元禮
日觀棊劇飲

寒山倒影入樓扉
鈴唱惜惜少靜辭
左手持螯人嗜飲
一斑窺豹客爭碁
萍游倦筆傷醒夕
星落殘枰闕却遲
日日忘懷思憶否
戌時瓜老是歸時

冬夜飲散悵然有感

醺顏夜酌醕蘭卮
悵憶彤年事半違
雪豎隴雲寒寥色
霜天幌月暗通暉
素書有恨隨鴻遠
夢無成伴蝶歸
可得延陵重一聽
涇波雅引在金微

東湖禪院

像閣緣雲一水東
鹿園珍樹徹青蔥
漂殘劫燼神池浪
吹去菱花講坐風
仙石拂衣寒起霧
層沙聚塔遠凌空
赤髭淨侶移談久
牛首青烟匝篆紅

景文集卷十五

欽定四庫全書

景文集卷十六

宋 宋祁 撰

七言律詩

送客野外始見春物萌動

苑路高高雪作泥始知春信到芳蹊
綠波水暖魚腮驟
縹色陂長麥首齊萬里碧雲隨望合
半規紅日有情低
榆牙柳目相看數枉是迴腸付解攜

送客不及

祖帝難留十里筵亭臯衰柳但長烟斑駁不及來時路
黃鵲空驚去後絃曾是松心同歲晚忍無梅信發春前
南樓漫作憑高計望盡天涯更有天

江上送客

十里長臯五里亭天涯送月淚緣纓洛辭但許凌波渡
桃曲猶煩用楫迎遠信即時勞裂素客心何日免搖旌
芳晨莫遣歸期晚碧草江南正亂鶯

勸客

貂裘敝盡飲瓢空身滯平臺勸客中
薄落本依莊櫟社飄飄誤閉隴鸚籠
心緣遠別長依旆髮近窮年已付蓬
素願祿儲過六百雲羅天外有冥鴻

登師利寺文殊閣

寶梯斜級上盤空千里亭臯一眺窮
翠柰自生經苑地萎花時墮佛天風
橋橫潁岸淙幽碧日下嵩雲插倒紅
暫滌六塵憑檻久可嗟歸御太怱怱

中山公損疾二首

自有西京七發才，蠲疴不待更延枚。
擬金廣樂迷魂寤，蔽月飛雲病膜開。
宮鼠晦鬚拋賜琯，蓬魚霏縷強晨杯。
何人過問維摩室，定有文殊作禮來。

公深究淨名示疾之典故，疾間有讀

維摩經詩三
閨申其妙旨

懇避嚴廬十拜章，一麾重許出東方。
批成詔鳳多焚草，戲入仙禽不亂行。
麗正書編爭授簡，荊州象笏別持囊。

絳帷有客悲秋早，預怯臨流奉祖觴。

時公有泚川之命

長兄冬夕遞宿偶成長句上寄

絳幘雞人唱夜籌宿廬遙忖道山頭夢思園吏成羈寢
書掩冤家倦對讎雨閣氣昏蓮蒂井燭簾光動諒條鉤
孤吟一夕懷康樂廣陌黎明望紫駟

和王龍圖七夕直宿

二星秋早駕雲車此夕聞君寓直廬月在宮中穿線處
香傳樓下曝衣餘橋烏徑度明河近巢鳳歸翻暝閣虛
寂寞潛郎誰晤語只應藜燭伴讎書

和宮師相公待制龐學士賢年二韻續川然兩字
龍樓一品亞臺聯伏老歸來帝養賢商皓嶺芝追隱伴
胡公潭菊得高年客盤梅熟經調鼎宴渚舟橫舊濟川
延閣裁章紆和曲玉音風馭共泠然

友人書齋

雩上鮮風拂袂過訟庭談樹自婆娑東家屋壁韋經絕
左氏門庭賦筆多岫幌蟾蜍生夕露墨池科斗動圓波
學詩夢草豐餘暇萬壽稱觴醉弁俄

感事

曹鼠秦車未足多
幾人曾此動悲歌
鴻心不慕冥冥弋
鳬脰長隨泛泛波
方朔一生游禁籞
彥倫終古老山阿
江淹若是真多恨
古往今來奈爾何

答李從著作

身是鷄翹侍從流
單車淮上老為州
全生正似婆婆樹
不死翻成鰕鮓牛
今日空名同地餅
晚年歸計有瓜疇
慙君遠寄相思句
不啻三逢採艾秋

朱舜卿南遊有寄

漢臯烟浪潑醅春
弭節江干一問津
南浦草平偏送客
大堤花晚欲留人
歸心怨逐搖搖旆
尺素愁迷六六鱗
湘冊聚螢嵇几靜
露軒香粉暗書筠

賀紫微舍人改鎮

星翼分疆鎮上游
江山和氣擁行舟
芝房照露供盤劑
萍日橫波送棹謳
楚塞路長雲戀幕
孺亭天晚月呈鉤
漢家夜席歸期近
宮篋書空謗焰收

送孫臯

江邊瑤草鬪袍青
所樂從軍得四明
新水一篙催泛鷁
故林三月及聞鶯
羽書無警棲毫熟
談幄多歡醉葉傾
我亦中都厭羊酪
為傳秋思與蓴羹

送黃灝

橫步文林二十春
華顛初得半通綸
江邊又濯滄浪水
堂上寧招骭髀人
未分塵纓慙蕙帳
不緣羊酪棄蓴羹
思家夕夢還都信
併附秋波六六鱗

送張問南游

草遠花明溝水頭同君此地併離愁
葢餘爰酒沈三賦合作盤鯖厭五侯
覺在他鄉應有夢信非吾土少登樓
楚山不見西江遠莫反騷文剡駐留

送鄭天休

春筇蒸徧槲鋒摧剡奏飄然別上臺
授簡客驚枚乘去探書人繼史公來
爆桐度曲離筵慘樵的分風使棹催
千萬襍濱傳善序永和三月有流盃

送馬房

百五天長甚雨回祖筵離思冷如灰騁辭雕苑繁雲散
挂頰西山曉氣來草色不須爭去袂花光正欲傍迎醅
相君臥鎮羣英集一府翹然用楚材

三月四日玩園花小集

中園愛客重游陪三月林花落復開鑊管喜傳吟處筆
白波催卷醉時杯歡襟已快邀風度舞地猶寬放雪回
不是年芳相假借使君兼乏斐然才

春夕雨歇

江雲雨夜過前墀
茵閣微涼轂霧披
戒井漏殘銀箭促
青天笑罷玉壺欹
文波弱荇浮清瀨
珍樹驚禽遶暗枝
縱使何郎詩筆在
未應幽恨抵蘭時

城西晚眺

北榭風輕爽醉襟
天涯搖落對登臨
一篙寒浪船移浦
千尾殘陽鳥赴林
倦客亭臯時遠笛
早寒墟里漸疎砧
憑欄不覺休邊角
暝氣蒼茫失半岑

題著作魏仲先隱墅

隱路高高入翠微
人亡宅在有餘悲
自圓溪月知吟處
不散巖雲憶臥時
素壁塵昏三紀貌
白楊風老幾尋枝

仲先去世
三紀有餘

草堂故集篇篇好
要與商翁續紫芝

杜少卿知陸州

三年去國別堯雲
一篋書空此謗分
賈誼有才偏隕涕
屈原何賦不思君
諫囊久晦沈餘草
綬笥重開續舊薰
幾日班春向桑野
漢家新詔十行文

程密學知益州

埤塗畫對光堯窠細札芝泥襲綬馨三獨舊臺呼輻寵
十連新府夢刀靈雲梯霽日明鉤機雨閣蒼苔蝕劒銘
只恐廉襦歌未厭螢煌歸應六符星

張屯田知兗州

常按察
畿縣

漢家關內使騶來廣魯風旗畫隼開地得股肱雄近輔
畫留筋骨冠中臺儒宮剡壁嚴祠豆督府均羊盛宴疊
應望仙閣舊車道倚天媧石篆昭回

葉司封知宣州

對日改
三品服

歲久中臺鵠領垂牢盆罷計擁藩麾新加綬艾天香襲
密對簾鬚禁刻移青舸信潮隨早暮赤輻靈雨徧公私
樹猶如此成前感重蔭當年蔽芾枝

司封昔監此
郡距今一紀

病興

病興還見歲華陰身屬囊韉久未任主畫固須煩孟博

病中諸務
悉委監郡

作書寧免倩陳琳

書疏多
假手

仙丸玉七貪餘餌

甜酎銀甌喜細斟誰笑衣囊長寂寞橫思新得漢臺金

送俞給事知宣州

懇乞江南太守麾過家為有故山期使軒密雨千騎擁
瑣闥斜陽一拜辭枕底潮雞參驛鼓船頭沙鷁避牙旂
此行正及吳羹美雉尾萼香欲變絲

凌屯田知和州

坡殿程篇屬思精飄飄老氣薄黔羸一臺舊服郎官筆
千騎新提太守兵候吏騰裝催去舸故人引脰悵離觥
雲波莫苦秋江闊自有桃歌用檝迎

送郭太保知相州

螭階看引羽林兵

君典軍頭司子修注
記故日相見于殿中

罷直還家得使

旌散帳三雲清曉別錦韞千騎上頭迎
駕沈故瓦秋烟闊鳳下長阿夕照平
誰伴燕休同把酒嘈嘈歌鼓亞夫營

張宮苑拜嘉州刺史知恩州

二年同守夢刀城遙節初為北道行
飛將負才會捕虜

端臣在環州身
出捕虜有功

伏波見上數論兵劔南剝臘梅迎使塞

下新春柳映營貴寵逼身頭未白七貂終嗣漢西京

哭公孫子正

窮愁四十鬢華侵肘臥垂楊感慨深遺墨未乾園令札

悲絃長絕獻之琴

子正之伯氏淪謝
纔數月子正長往

嗟賢有夢龍占苦

對臆無言鵬坐陰三步過車綿酌薄死生從此隔朋簪

七夕

開秋七夕到佳辰里俗爭誇節物新烏鵲橋頭已涼夜
黃姑渚畔暫歸人裴回月御斜光斂宛轉蛛絲巧意真

卜肆沈冥誰復問
年年槎路上天津

西南新月玉成鈎
奕奕神光渡飲牛
素彩低浮承露掌
清香不散曝衣樓
天邊華幄催雲卷
星外橫橋伴客愁
莫使銀河到滄海
人間溝水易東流

冬眺

城外斜光角已催
城頭倦客首空回
星霜牢落凋年往
天地蒼茫暝色來
千尾昏鴉愁迴戍
幾蹄征馬思窮埃
使君興罷惟無緒
不是登高能賦才

朱舜卿歸自別墅

逍遙初服偃郊扉
學舍經旬望貢綦
庾信移談思講樹
周顒迴駕避低枝
摘華更喜聯新唱
散秩猶煩瑩舊疑
欲序三都先自媿
士安風痺素清羸

感秋

迴腸病骨兩驚秋
已作衰翁未白頭
天上有星寧免客
人間無地可埋憂
車翻落日何曾定
臂化鳴鴉豈易求
莫就離鴻寄歸思
離鴻身世更悠悠

和十九日湖上與張集賢餞提刑張都官韻

共憑高榭眺雲波使節將歸可奈何
醇酒暫留丞相飲驪駒愁對主人歌
千巖日下催雲合萬里風長送鴈過
茲會難常須惜別歲陰光景玩蹉跎

苦雨中作

雲陣窮天雨足低陰霞不照露盤西
城高已蔽觚稜鳳水濁先愁獨漉泥

古樂府云獨漉獨漉水深泥濁

戰蟻爭封緣暗穴怒

蛙邀軼沸空蹊齋牕病枕迷昏晏
只有喈喈託曙雞

送韓太祝

雲野星躔促傳車長安初日望儲胥金闕引籍中天闕

玉宇藏家上帝書

太宗賜君家先
侍郎御製頗多

祖道泛萍觴易醕賦

園飛雪席應虛承明再過懷先業磐石深沈禁樹疎

送蕭山宰劉寺丞

秋江九月鷺濤平楚客征樯拂縣星射的初過若耶渚
襖林重訪永和亭畏蛟俗富風移古飛乙天長日際冥
幾帙異書藏臥帳肯容僮客廣蒸青

孫沆從事宰吳興邑

舳尾東銜鳥羽輕
滄浪餘沫恣霑纓
尚沈幕府千人俊
卻勸畊田二耦耕
蓮有艷歌邀夕泛
蔗留佳境析朝醒
行行正及吳蠶吐
脆盡商絃別曲聲

寄獻澶淵太傅

使旆高翻西北雲
舟梁橫過九江濱
文書吏樂輕車府
表幟人知大樹軍
引漑劭農渠雨密
感涼邀會帳霞醺
花門車子能歌地
樂職聲詩日夕聞

祇答太傅鄧國張相公

鴨陂清浪撼城隅，此地班春忝細書。
琪樹老求拋禁省，玉繩低處認皇居。
君軒戀結蕭蕭馬，客素愁憑六六魚。
相閣裁章憐舊物，為曾簪筆從雕輿。

登塔

窳堵緣霄鴈勢聯，憑闌清眺俯三川。
春華已徧燃燈地，日氣猶烘暎雨天。
游蓋結陰塵不動，飲籌催醕客爭傳。
須知四級題名處，要記浮生六十年。

和延州龐龍圖見寄

交戟多年著皂衣，乞州初逐阮咸麾。
驚殘鳥翮虛弓笑，傾盡葵心白日知。
宿莽騷人傳麗賦，女蘿山鬼賽叢祠。
自慚念舊殊非計，正是朋游掉臂時。

再寄

鈴下呼兒破錦鱗，新篇遺我故情親。
鍛鸞遂有翻飛日，行葦應無踐履人。
讒毒未銷須刮骨，上恩難報止沾巾。
夫君何事材為累，短褐征衣擁塞塵。

山中清明

一雨東郊捲夕雲
山中坐對寂寥春
高低桃錦紅相倚
輕重榆錢綠不勻
杯冷羅門拋午案
簾殘犀槩晦流塵
漢編漸美開魚禁
已約溪公下釣綸

隱几

空齋隱几度流光
濩落由來我所長
枉許是非同喻馬
不知書簏兩亡羊
空名更甚浮雲薄
代事都無半掬強
心誓前賢六百石
異時初服返東岡

題多寶寺水閣

寶坊雲構壓河流
梁日東南宿霧收
湧塔千層排候鴈
叢楹四注倚陰虬
低翻楚蕙鮮風曉
橫逗吳颿下瀨秋
暇日便堪供賦筆
不煩王粲更登樓

贈張齋郎

青絲垂領稱華簪
結駟千門別第深
學舍問詩衣五綵
家庭佐酒壽千金
蘋蘭媚曉供晨膳
碧草生塘動晝吟
獨感舊遊移岸谷
山陽疎笛淚沔沔

贈潘齋郎

吟塘春草奪袍青
蘭玉仙姿出謝庭
刻羽彫章傳雪市
煎波麗賦淹雲溟
逢衣四座開賓榻
綵服千金獻壽醅
漢殿前期思削牘
紫圍翔步弁如星

題橫山寺

碧山千疊隱招提
淨刹宮亭拂彩蜺
月澗溜琴喧菡閣
雨天雲葉晦璇題
寒銷燼篆螟風細
密亞巖烟鳳竹低
病久毗邪真得賞
迷津一滴戀曹溪

閏正月二十五日送客尋春集裴氏園

尋春送客共留連
雨罷春郊物物妍
黃抹柳梢初徧後
紫粘花萼未開前
朋襟自為交歡慘
醉聳誰能辨聖賢
猶賴斜陽催跋馬
不然離恨損絲絃

和李屯田西湖尋春

把酒同尋湖畔春
賞心何況更良辰
留陰岸雨溥紅杏
送暖汀風惱綠蘋
低寫臥虹橋齒密
小裝文鵠舫頭新
聚星亭上華簪客
即是高陽舊里人

和武宣徵陝樓晚望有懷舊遊

陝樓重倚望軒城百感中來久未平屈指疑遷饒歲月
逼身添重許功名飛觴置酒高陽興

公詩有尊前依約認山公之句舊

樹攀條司馬情昔日使君今上將請看前後萬犀兵

歌枕

歌枕風牕雪絮繁夢迴紅日轉南軒棲遲自樂周人什
偃息終非魏國藩書習練裙聊弄翰吟隨池草欲迷魂
疎慵不喜當關報羅雀先時署翟門

祇答天平相國龐公追記舊遊見寄

把酒同為花下賓東風一十五回春歡情墜若瓶邊縷

感緒多于白裏辛枚馬老能持從筆

自謂

夔龍今已避鴻


鈞

奉相君

附塵舊好公須憶憔悴惟殘厭次人

東方朔平津侯書有

附塵之契



景文集卷十六

欽定四庫全書

集部

景文集卷十七至十九

詳校官侍講臣王燕緒

檢討臣何思鈞覆勘

總校官候補中允臣王燕緒

校對官學錄臣謝登雋

膳錄監生臣汪國均

欽定四庫全書

景文集卷十七

宋 宋祁 撰

七言律詩

楊都官日嚴赴鄆州

連年三換左朱輪

君一年中得襄陽領肥上由肥得鄆

正用臺郎第二人

惟殷程書清刻永家牀添笏賜袍新

君使道上都陞對日賜五品章服

潤波仍跨洪河曲敏政將肥濟魯民趣引前旌向桑野

漢皇恩詔重方春

杪秋官舍念歸

獨計年華念鬢華
秋來懷舊滯天涯
半分沈約愁銷臂
一束鍾繇憶賜花
寂寞林蟬應自嘆
氈毼庭鶴待誰誇
西江聞道通星漢
試借君平問客槎

登高晚思

喜被塵襟屬麗譙
高旻雨罷暑氛銷
遊回宿鳥霞橫嶺
唱殺寒蟬柳抱橋
戍壁風烟閒尉候
客亭燈火混漁樵

山川信美非吾樂已是三年去國遙

一雨

一雨初收細細涼碧雲西畔見殘陽歸期只覺刀頭遠
別恨偏教帶眼長梅驛使稀誰託信蕙盤烟冷不成香
酒泉已是三千里何況關門未得望

謝都官監治建州

初得中臺滿歲遷七閩猶貳左魚權雞香燼晦華星閨
虎眼波迎下瀨船幾種珍鮭資晝膳萬峯芳茗蔽春塵

行行正及陶嘉月溪樹烘霞荔子鮮

筆次

菱花照鬢感流年始覺空名盡偶然十擲成捷寧是拙
一丸求藥浪圖仙位卑司敗無言責事少當關許晏眠
止此隳官堪自劾不煩公掾更平鐫

送屯田張中行罷成德軍通判還朝

中山花下舉離樽縞髮蕭蕭重黯魂假節共辭金馬闥
滿更先入玉關門

士辰秋與中行同赴常山不半年予改守中山故中行今先得罷

彌

年錦帳殘香燎幾夕蘭陔擷露痕早伏青規奏邊事五
芝泥熟待新恩

按行府城通判張太博有詩美山川風俗因繼作
百尺譙城一凭欄提封占盡古常山公私雨足耕疇徧
赤白囊空塞候閒撥刺河魴供大嚼含糊趙瑟勸酡顏
正應此地從軍樂先播辭人麗藻間

晚春有感

試上高臺望綠蕪一春芳意向人疎殘花半落紅無幾

新笋爭長綠有餘底處流霞殘別酌即時油壁欠來車
不須更向昆池去便有胡僧話劫初

覽聶長孺斬春罷歸舟中試筆

姑山羽客冰為骨金掌仙人露代餐化作妙辭真扣玉
寫成初葉剩驚鷺心隨零雨濛濛密恨過清溪曲曲寒
此秘東陽誇未睹靈均千載有餘嘆

吳中友人惠蟹

秋水江南紫蟹生寄來千里佐吳羹楚人欲使衷留甲

齊客何妨死願烹下筋未休資快嚼持螯有味散朝醒
定知不作螭蜺悞曾厠西都博士名

清明日集西園

日日西園春思催攜觴結客上高臺正緣從事青州至
更許書生洛下來早葉已成花半落新巢未定燕千迴
芳辰物物皆堪愛併作高陽倒載媒

遊惠山

遇酒忘憂聞樂喜世人未到惠山前泉供勝味輕糟麴

松獻清音異管絃
陸子舊文殘
琬琰湛家餘跡撫雲烟
珍禽幽石應容我
翠麓亭深晚更便

西齋夜思

蕭宇齋空夜景深
長康勉力效長吟
池風過處琴遺韻
牆月斜時樹倒陰
几隱原灰同木槁
書繙故網有魚侵
漏壺漸促星榆轉
獨背篝燈擁薄衾

同年成楷濰州理掾

東風鶯友舊聯飛
彫歲鷗弦此愴離
路怨亭臯長續短

客嗟京邑素為縉且欣便道還家近未厭無同得掾卑
漢殿有人能夜誦君才不減子虛辭

送黃昱秘校太平理掾

中銓覆擬下慈宸又作東西補掾人去國雖逢零霰暮
過江未失雜花春西山氣爽聊持版白紵袍餘且製巾

星貫文稀堪樂事聯曹鮑照藻辭新

伯元富於藻思至止必竝驅辭陣矣

答龐龍圖塞下秋意

故人握節遠屯邊三見寒飈折塞縣俎豆何妨學軍旅

兜鍪遂欲出貂蟬酒酣帳下擬金夕雪洒軍中蹋鞠天
不惜裁章報吾黨欲將餘力鏤燕然

胡氏遲客亭觀詩

石磴松蹊自不塵亭名遲客客回輪山中桂好雖留隱
嶺上雲多肯寄人夢草數殘康樂夜禊杯閒記永和春
共游弭蓋爭摘藻剩破林煙炙翠筠

病免

股錫飄然指上方翠微巖腹掩鷹房江山極睇才多助

竿木投機戲幾場
麝墨洗餘池溜變玉瓷清極茗華香
秋風莫負重來約
淨社霜蓮徧碧塘

送宿州李明允都官

省帳香殘捲夕紅
名郎去守日圍東
組垂丈二腰章貴
騎擁千餘使幕雄
弭節亭臯鄉梓近
貫都河溜客魚通
暮年美化流歡頌
盡入中和樂職中

官下

東泊驂驔一駐車
馳雲茱木澹扶疎
風經禦寇仙遊外

野識裨謀草創餘
潁谷寒煙仍井邑
侯門殘日但丘墟

古治國非
今治州兩都大道過從盛
不稱支離佩左魚

白兆山橋亭

千尺虹泉界道飛
陰虬橫絕負雲楣
浮梁跨岸神移石
却燼翻波地獻池
度日銜花翔翠鳥
經年支榻養靈龜
披襟便可祛煩惱
不獨東京叔度陂

屬邑告稔寄轉運勸農二使臺

稼雲彌望默紆餘
雨徧公私告稔初
田父此時歌擊壤

牧人他夜夢為魚，勸符數下收遺穢。
漕穀相銜餉剩儲，莫謂衰翁止蒙福。
有年須待史官書。

送冀州李團練

雪雲寒氣著離杯，北道輕風大旆開。
太守直居千騎上，將軍仍自九天來。
征輦曲曲漁陽慘，後乘人人鄴下材。
忠孝相移難兩遂，沁園歸戀徧蘭陔。

答宿州王素都官

當年弛鐙避清塵，此地聯麾喜故人。
豸角去冠休觸佞，

虎頭分綬且行春
謗銷不復投親杼
宦拙猶須讓後薪
酌酒為君賡一曲
江邊收得子年身

又寄王都官

倦把菱花照病容
蕭蕭斑鬢作衰翁
虞翻到骨終無媚
阮籍逢途但有窮
敢望君恩收陞屨
決須私計付冥鴻
銜盃後會何能定
萬里驚飈一轉蓬

萬州齊都官

燥闕歸心戀九關
凭高郡閣見南山
彤幃冒雨春疇潤

紫闥焚香夜帳閒宴弁側星陪卜晝妍歌抽雪送酖顏
西京地大民風厚蜀秭沱波月蚌還

賀齊都官

十行泥檢潤瓊芝序轉仙曹漢省闡月隱偃波三署筆
光添侍史五時衣星躔入夜哀烏動軍蓋迎晨雉雉飛
幾日霄塗歸奏御景龍妍唱掩牙緋

章判官詵赴吳興幕

素領潘郎滯進階東南沿牒得卿材隋河鼓棹波成箭

卷十七
越驛蒸衣雨是梅客詠南風蒲齒勝食無寒具晝厨開
政餘底處邀真賞洲上風蘋若下醅

送王龍圖鎮秦亭

皂衣京兆數論兵西護秦臺暫抗旂顯父百壺連帳出
良家六郡佩韉迎甘泉路邇烽棹偃非子川長馬房平
左右漢臣聊作帥非緣侍從厭承明

思歸

刻意傷春屬暮樓江臯歸棹悵夷猶青蘿怨鶴英山曉

疎笛吟龍卧塢秋掩泣泥陽思祖廟長懷彭澤廢先疇
裂繻前誓風霜苦早晚懷黃識漢侯

答翰林蘇學士

開顏忽見故人書併得雕章念索居自是犧尊憶溝木
敢將吾笠望卿車流年遂往蹉跎在末路雖還連蹇餘
彈飾舊冠猶有愧別來蒼鬢不勝梳

寒食假中作

九門煙樹蔽春廬小雨初晴潑火前草色引開盤馬地

簫聲催暖賣餠天縈絲早絮輕無著弄袖和風細可憐
鰲署侍臣貪出沐珉麋珠餽愧頒宣

把酒

歌管嘈嘈月露前且將身世付酖然謾誇鼯鼠機頭箭
不識醢鷄甕外天青史有人譏巧宦黃金無術治流年
君看醉趣兼醒趣始覺靈均更可憐

擬杜子美峽中意

天入虛樓倚百層四方遥謝此登臨驚風借壑為寒籟

落日客雲作暝陰
峴井北拋王粲宅
楚衣南逐女嬃砧
十年不識長安道
九籥宸開紫氣深

早秋二首

月夜亭臯秋氣生
又從搖落到崢嶸
寒花尚作茸茸密
晚葉偏能颯颯鳴
對把蟹螯何處酒
悵懷萸菜此時羹
西風萬里吹斑鬢
可待中郎麗賦成

落照臨風細細寒
已收紋簟未收紈
山中桂老初含紫
澤上楓多併是丹
月過河橋低映榭
露從霄極暗供盤

何人刻意離憂苦不字靈均卽姓潘

送張狀元監丞通理陝郊先覲親蜀道

苑樹櫻殘罷宴甌驪駒籍籍望西州左思麗賦都中貴
張載新銘劍外留幾日戲裳貪潔膳卽時歸雨勸耕疇
如何蔽芾甘棠國再見臨淄第一流

淳化中孫紫微漢公亦初履於茲府

清明

曉日東南欲照梁藏鴟密柳暗橫塘行庖束蜜停晨爨
別館熏衣冷夜香陌上鮮風橫去憶陽濱翠湫泛行觴

獨嗟楚客流芳晚淹卧惜惜帶眼長

過安陸舊居鄰里相送

綠楊枝外斗闌干出客雞鳴過近關
豈有車徒休汝上暫同鄰里到方山
離魂正對春波苦羈思猶隨勸鳥還
多謝滄浪送征棹更霑餘沫洗衰顏

懷故里偶成

先疇少失杏花耕十載窮塵困縛纓
山上有山成久客吏中非吏得空名
吟塘碧草他年廢霧驛哀猿此夜驚

何日謁歸聊望里況無車騎得鄉評

了淨歸天竺寺

曉原霜重俊鷹肥一席歸風路不迷林下曾徒從霧合
海邊停梵見潮低霜籃烹茗尋前圃雨屐粘苔認故蹊
知有詩魔未降伏湯休日在碧雲西

寄葉兵部

吳門練影逐金羈共羨潛郎得請歸殖產舊封千戶橘
去臺初襖五時衣晨杯鬪鼓江萸滑夕俎供糠渚蟹肥

分籍未容妨隱趣海鷗汀鷺對忘機

真上人

面壁觀空度幾春靈山法會更離羣
定心不動池俱滿標指無言月自分
經葉盡閒落毳毳空花晨靜貯餘薰
金園晤賞人誰見萬里殘陽送碧雲

贈昭長老

虎錫多年寄寶坊毼毼宴坐赤髭長
鵲燈雪嶺分千焰蒲饌雞園積聚香
定水晝寒銷漏葉社池秋晚亞蓮房

何時拂席升麟殿塵毳微飄法座傍

送靜照大師歸餘杭

旁行經葉振餘埃社侶欣聞錫股回林鳥入花迎擁襪
江龍停浪送浮杯他年應共銷香飯幾夕飛談辯劫灰
漸次南征知有為化成今在故巖隈

再逢成上人

上都初見赤髭年竝在西州絳帳前

子識師于中山公座上

每與

文殊同問疾不知靈運遽升天

師嘗隨中山公之上都及公捐館師還上都

淮山永憶吟無社
梁苑重來供有緣
休問外堂諸弟子
餓思周粟賦歸田

送僧遊越

越絕天長曉霧低
若邪雲樹蔽春暉
江龍浪穩迎杯度
品虎蹊空避錫歸
晨飯聚香齋品潔
夜盆沈漏睡魔稀
玉璫誰望西來氣
五葉花開祖有衣

和趙南正溪上二首

年少青春苦惜春
溪頭風物更留君
無花地展如茵草

欲雨天垂似鶴雲船近鵝兒頻引頸水清魚子忽分羣
吟情飲量皆豪俊酒盞須斟一百分

一樽狂計即留春更把詩篇惱使君繞岸正搖千步柳
歸山曾約萬重雲孤懷欲寫情空感佳句相酬自不羣
怯見杜潘無處避便知優劣此間分

臘後書所見

北斗邊城春柄回閨年飄穀占餘灰鼓聲催徧江南草
驛路傳殘隴首梅寒日已高猶沆漭薄雲無待故徘徊

何郎素憶慙杯杓強欲乘閒撥凍醅

過郢中

紫宙星翻唾霧開據鞍追昔剩裴回空聞曲裏陽春老
不見城西艇子來苦李成蹊誰駐蓋行雲無所自繁臺
江皋魚鳥留連極枉被從軍驛馬催

祇答天平龐相公

白玉堂中舊演綸赤帷裳底老班春攫煤自省非嘗飯
投杼徐知不殺人常恐虛名遭嚇鼠寧防平路解摧輪

由來辨謗須君宰，收得江魚未葬身。

病興見春物欣盛，釋然有臨眺之意。

東風掠野暫輕埃，灑灑殘寒伴落梅。
曉報谷鶯朋友動，暖將塞鴈弟兄回。
驟生溪水迎人遠，自喜林花索露開。
老罷何顏玩芳物，試憑狂醉上春臺。

吳感勾歸安簿

苑花聯醉七經春，猶佩當年一綵綸。
京邑風塵初倦客，楚倉塗轍欲妨人。
信潮暮送吳艤穩，公林秋供茗酌醇。

江外何因憑尺素
宕渠波惡損文鱗

送同年孫錫勾簿巢縣

千牘公車與願違
卻懷黃綬去江湄
中都食酪憂萑老
要路編苫笑錦遲
酒幟亭長離帶罷
波花風穩暝帆移
驚秋感別俱成恨
瘦盡森森瓊樹枝

送胡宿同年主合肥簿

歸路青袍雜綵裳
何言縣枳滯鸞翔
恨無旨酒邀枚叟
愁聽斑駁送陸郎
四剖楚萍資夕膳
一絃淮月望春艎

鈴齋坐鎮儒林丈密啟行聞達上方

和遙見歸舟

帆在天邊客倚樓此時相望最離憂
星槎路遠迷全影
繡被香遙認半謳
不見鮫盤休墜涕
莫逢蓮葉更障羞
石城艇子知非是始信無愁果有愁

送同年張孝孫勾簿潁陰

雪序繁雲掠苑回行人此地一銜杯
東西溝上歌流水
南北枝頭怨贈梅
綿竹誦篇沈祕壘
堵坡題字晦輕埃

莫辭縣枳淹鸞翮密啟天官佇薦才

赴調

編政黃堂碧鵲衣
遠食周粟位猶卑
人推東魯丘園秀
吏得西京法令師
驪駕路長雲拂蓋
鵠歌亭曉桂凝危
上書自薦時非晚
囊牘三千正集帷

馬上遇雨

萬瓦涼聲挫暑威
輕風斜濕看茸題
禁溝花咽先聞溜
馳道沙平久未泥
拂水有紋飛燕下
翻珠不定紫荷低

城陰霧密千門掩更恐歸驂五里迷

偶書

病骨巖巖怯早衰月枝三繞寄身危避風寧望鷓鴣亭

出卜頻遭僂句欺

余書詢窮通於日者皆不能中

烟慘蔽江懷隱伴雨

苗頽塋負耕期開年幾許他鄉淚盡付窮途與素絲

兄長莒公赴鎮道出西苑作詩有長楊獵近寒熊

吼太液歌餘瑞鵠飛語警邁予輒擬作一篇

寶樓斜倚闕西天北轉樓陰壓素漣白雪久殘梁複道

黃頭閒

一作空

守漢樓船塵輕未損朝來霧樹
煖纔容臘

外煙弭節不妨饒悵戀待歌魚藻
記他年

景文集卷十七

欽定四庫全書

景文集卷十八

宋 宋祁 撰

七言律詩

和致政燕侍郎舟中寄晏尚書

異時仙閣對三休
頓首辭榮動選旒
疏廣故僚供祖帳
鷗夷盡室付歸舟
謝增生玉懷歡宴
燕壁圖山代遠遊
新句漸高塵累少
紫微巖曲要相求

卷十八
答友人清明雨思

楚雲朝暮蔽前峯，佳節尋芳已半空。
三日薰爐沈蕙綠，一星春火併榆紅。
文鱗對擲回塘水，賀燕交飛翠幕風。
悵憶沈齋題句罷，碎英無響墜華桐。

九日置酒

秋晚佳辰重物，華高臺複帳駐鳴笳。
邀歡任落風前帽，促飲爭吹酒上花。
溪態澄明初畢雨，日痕清澹不成霞。
白頭太守真愚甚，滿插茱萸望辟邪。

中山立秋

峯雲曉影破孱顏萬里風生結早寒人在兜零煙外走
歲從鷓鴣口中殘槽花併滴添新酎筇月兼輪掩故紉
白髮光陰誠可惜五年搔首望長安

二月十八日席上憶季長未還不同斯樂欲作詩
寄之會使者來已有新章今牽連成篇拜呈上

煙壓西郊雨壓津滿城歌吹為芳辰江形左右衣留帶
柳色高低麴與塵暖逼園花迎望密曉催林鳥每啼新

知君貪擁光華節未有尊前共惜春

閏九月九日登高有感

隔霜雲葉繞天愁
閏節重來續舊遊
賦客豈辭聊暇日
楚人無奈賸悲秋
寒萸實老猶薰佩
晚菊香殘不占甌
悵憶故園歸信斷
渚鴻川鯉兩悠悠

寄公序兄資政給事

再分銅虎滯侯藩
別後兼聞素領繁
契闊不成駢服馬
急難空貪脊令原
壯心干鎖年年鈍
世路風波袞袞翻

韉鎖虛名應只爾早同私駕老丘樊

春宴行樂家園

園芳初乾小雨泥飲壺遊屐況親攜身輕早蝶千回舞
技癢新禽百種啼春暖草茵侵坐軟畏風桃綬向林低
陽暉自有留人意銜照高樓未遽西

病間答雜端龐淳之見寄

廓落彌旬故眼移居慙君粟養支離綾衾倦夢愁淹臥
星鬢流年報早衰藥劑祛繁催月杵茗腴供啜嗜春旗

迷魂復幹聞清唱不減巫陽筮些詩

真定述事

莫嫌屯壘是邊州試聽河山說上游帳下文書三幕府

部署安撫二司并府事

馬前韃韐五諸侯

所管沿那磁相題五州兵為一路

王藩

故社經除國俠窟餘風解報仇四十年來民緩帶使君何事不輕裘

博州駱太保

關榆秋舞折膠風坐嘯邊陲憶九重宴榭綠醅春沸蟻

連營清角暮吟龍
暮中鏤管聞陳檄
塞下兜零罷漢烽
計日民謠誼魏闕
褒功僊劄武泥封

春曉感別

樓外疎鐘落曉河
天涯感別思煙波
三年客鯉傳書遠
五丈星機得素多
溝水東流勞想像
峽靈西去隔嵯峨
良辰自古難并樂
不獨驪駒送客歌

有懷謝炳宗先輩

淒霜刮野轉蓬乾
永憶江湖旅鬢殘
身有支離求病粟

爵無公乘免旒冠
柴車路迴驂驢蹇
栗塢人稀溷鵲寒
日暮浮雲徧西北
客心悽斷向長安

有懷寄同舍

不為秋歸人未歸
淮南又見葉丹時
漢皇好少身今老
楚客愁醒啜始醅
夕棧長風驚代馬
曉天團露怨江蘼
夫君去我猶千里
萬慮勞勞欲語誰

有懷宮保龐相公

木正乘春肯告勞
併持葱鬱護神皋
曉風遞暖何妨細

宿雨留雲未許高，向密垂楊能礙箭。
關長芳草欲爭袍，東城勝具應撩治。
就趁尋花作宴醪。

漢南州按行江渚以詩見寄

側帽風輕過大堤，水村驕馬惜障泥。
前驅夾道旗開隼，合宴傳殮帳繞犀。
淨練寒江供望閣，赤萍圓日對吟低。
輕筒絡繹傳清唱，知在春煙幾曲溪。

和丞相晨謁書所見

北闕天深報漏遲，臺鸞雍鷺共逶迤。
廷風細引趨班佩。

宮日遙烘簇伏旗侍史有香來洞案直郎無奏伏丹墀
殊隣競獻朝正玉定是東風入律時

答天台梵才吉公寄茶并長句

山中啼鳥報春歸陰閨陽墟翠已滋初筍一槍知探候
亂花三沸記烹時

陸氏烹茶每以三沸為法

佛天甘露流珍遠帝輦

仙漿待汲遲

上都惟之嘉泉故茶味差減

飲罷脩然誦清句赤城霞

外想幽期

貴溪周懿文寄遺建茶偶成長句代謝

茗篋緘香自武夷陸生家果最相宜烹憐畫鼎花浮糲
採憶春山露滿旗品絕未甘奴視酪啜清須要玉為瓷
茂陵渴肺消無幾爭奈還書苦思遲

春日出浣花溪

側蓋天長蕩曉霏暖風纔滿使君旗水通江渚容魚樂
草徧山梁報雉時場雨減塵盤馬疾樓雲礙曲進觴遲
少陵宅畔吟聲歇

杜子美宅在浣花溪上

柳碧梅青欲向誰

送貴溪尉周懿文先輩

幾日銓符給詔程賜袍如草滯僚英大言久廢三千奏
倦曲難終一再行吳蟹沈波秋稻富海魚藏穴夜潮平
待君削牘登文石

梅福為南昌尉上書
願一登文石之陞

趣與淵雲繼頌

聲

題漣水軍豹隱堂

并序

今趙集賢概未榮之日嘗處于此及登科始以今名榜
其堂不五年集賢出守軍政

當年齋榻豫章才自領驂驪五馬回庭下書筠多舊刻

檐間賀燕是重來吟池墨久將成溜坐石星殘欲徧苔
郡閣從今傳盛事更畱寒霧記岳隈

寄獻淮陽陳相公

翹才閣下舊賓游偶得魚符擁使輶本自鑪錘依大冶
敢言鎗腳是鄰州頻年廢忘拋黃卷此地優閒養白頭
漫引雙旌非敏政餘波須仰富民侯

游白兆山寺

地枕層岑面勢斜蔽虧原隰在煙霞璇題銜目三休閣

寶樹沿雲四照花結社高風思惠遠忘言眞理寄毗邪
銅蓮漏永螟風細不覺西陂轉若華

寄令狐揆二首

癸卯仲夏
方客江夏

楚山千疊隱南轅漢渚風檣箭浪翻流水東西俱怨別
離亭長短共銷魂歌翻白雪知難和注怯黃金故易昏
玉骨更羸詩筆苦客裾猶欲曳何門

紫漢參橫宿霧收煙江南渡悵夷猶夢中未省能知路
天上何緣許寄愁豈有文鱗憑遠客枉緣香杜怨芳洲

遙知花艷驚郎目幾曲新詩播郢樓

寄郭仲微

自君入佐張蒼計直室深局老氏關顧我偶陪螭陛立

無人竝駕鹿車還

昔時在館常與仲微
竝轡歸休今不復得

紅牙幹利資良

畫縹裘勞功積厚顏幾日歸休期一笑新醪浮白早黎
殷

寄河東按察待制施正臣

并門迢遞駕朱輪紫橐宮毫晦隙塵幾眼帶移貪事國

半生桐老苦傷春
比來置酒觴何屬
自此驚秋髮恐新
釐暑病夫期自代
眼中徧憶未歸人

寄鄭天休

天休兩賜手問會
迫賤事不獲修答

翹車交辟滯東南
盤蕙多年歇賜衫
千日醉醒孤共酌
一書開閉遂空函
怨歸定對王孫草
無恙應隨散騎帆
傾聽囊帷奏嘉頌
清時寧忌絳侯讒

見寄

雲梯叱馬賦西征
滿歲無功答盛明
收得桑榆真晚計

倚為箕斗是空名
癡逢美玉終能治
曲訴么絃久未平
壯思雖衰猶得在
一篇中甫為公成

次韻天平觀文龐相公以久畱塞下見寄

昔駕輶封北護邊
已慙星鬢久凋年
御爐香外拋宸謁
刁斗聲中廢夜眠
梁雪送殘他日賦
郭舟誰共此時仙
思歸未敢貽公念
更辦秋懷敵露蟬

邑外晚景

林梢規日透霞鮮
滯穗纍纍徧大田
豺口祭餘開獵禁

豚蹄祝罷得逢年雲容不動寒垂地
陂影無涯靜合天
一國似狂予獨爾長吟饑腹伴殘蟬

贈吳太傅二首

銀兔頻年滯使麾曲臺猶掌一王儀
四巡奏頌推嚴筆
千牘程書入漢帷駟里飛觴酣玉液
天街疊鼓候金羈
前期侍從丹塗地秘殿螟風拂翠綫

月轉觚稜玉樹齊通宵歸夢繞金闈
柔桑密映秦樓騎
溫詔香懷漢署泥殺簡載書傳祖德
懷金酌水賦新題

丹楓七澤朝天路
犬組垂腰紫佩低

送李芝還舊隱

章冠慣趁舞雩春
屬疾彌年素產貧
舊隱卻招三徑菊
歸裝不受九街塵
平時戲服歡為綵
日後迎蒲待裏輪
天下書生皆皓首
牛溪休訪續經人

答戶部勾院王學士泊滄陵見寄

峭颿風罷到淮瀕
草草停橈一問津
大小山前懷古地
短長亭下未歸人
林姿暗淡吞霞尾
浪疊光芒受月輪

尚憶他年故傳在，孽牋題作郢中春。

送段秘丞同理金陵

自審刑赴
相幕之辟

赭丹濡筆獄無冤，佐守初依鳳沼蓮。
南土出藩申伯寵，辟書為首嗣宗賢。
蟠龍運厭山圍國，燬角宵涼水際天。
哲輔定知三入相，期君同赴渭濱畋。

送張清臣學士省侍金陵

仙閣三休紫霧平，金門試罷得蒸青。
同時第賦畱宸幄，他日聞詩戀相庭。
退箭夕流催檜楫，賜花春豫憶雲屏。

吳天此夜瞻台座併是荀家父子星

送簡殿丞赴闕

共治清淮北面州

壽陽雖曰淮南
實治淮北下蔡

何言分袂悵夷猶君

還南闕雙龍下我駐東方千騎頭未落林花延別醕無
窮隄草伴行舟懷人想月勞勞意自此相牽更倚樓

祇答提舉觀文丁右丞見寄

懇辭金殿得班春藁篋相從素瀨濱坐閣仍題修史筆
去鄉猶是受經人浮雲富貴心知厭淡水交游老更新

三嘆來章深意在肯容冠綬久生塵

病告作寄武平湖內翰

病擁綈袍雪領垂當關重疊報晨暉夷吾畏事將成吃
蓮瑗增年轉悟非官路風波頻歲劇

予十一年
歷五州

故山薇

蕨每春肥餘生正似風前鷁慙負陽秋說退飛

九日宴射

佳節憑高駐綵旗亭高霧罷轉晨曦
翔間羽集號猿後
臺外塵飛戲馬時
芳菊治疴爭汎藥
丹萸辟惡徧傳枝

明年此會知何處醉玉顏山不用辭

孫集仙世領東海

雲岫蒼鬱照城郭奕葉鄉州擁使符畫繡愈知今日貴
子庭猶憶向時趨故新笥綬薰相續前後郊棠影不孤
絳帳諸生今史氏災青容補世家無

羅學士出守復拜承旨感而有賦

十八年前玷玉堂當時綠髮此蒼蒼傷禽縱奮愁瘡重
廢馬雖還笑齒長薰罷山爐飄暗燼漱餘銅碗冰寒漿

須慚清切鑿坡地不是吾人得性場

送荆湖北漕張職方

賜對雲簾幾刻留東南公利入牙籌方船萬粟浮江下
封府三錢出地流驛路塵清迎弩密省臺薰歇護衣愁
不妨徧歷騷人國金橘丹楓互占秋

送殿院張奎漕京東

霜栢輕寒驚曙鳥使臺東道亞風旗人瞻御史乘驄貴
錢續司農朽貫餘睢苑千門聊按節齊官三服罷移書

此行須信褒恩美新詔黃金飾佩餘

淵宗郎中移利州路漕

列駟傳聞避輶車天角橫參帳飲餘即日前驅催負弩
幾旬論報罷移書賜山故冶流錢外燒棧新郵轉粟初
使選愈華身尚遠喜榮嗟滯兩何如

初入蜀州閭道作

緣雲棧腳轉嵯峨使者重來叱馭過杜宇有冤啼夜月
女蘿憑鬼護山阿巖深樹氣埋蒼霧峽窄江形束素波

自問一春行役苦帶環移眼奈衰何

早春出近郊

迴望三條接上蘭野霏山秀似堪餐冰翻斷影回魚暖
雲作輕陰借鴈寒卽席縹清宜玉笋何人蘇合費金丸
風長麥淺如舉路雉子斑斑錦羽乾

出次近郊

江練東南楚塞長野烟寒氣共蒼茫局轅班馬思長道
搜肉飢鳥下夕陽旅舍樵蘇勞後爨農家登苙遠相望

坐觀民瘼無他畫
庭列鉅勳目眩觴

寄襄陽觀徐師

日夕高陽酌羽杯
琳房岑寂外塵埃
山庭桂老幽人住
天陸星翻處士回
珍樹暝猿侵戶嘯
碧潭僊菊照牕開
箕風動地雲羅濶
誰伴凌空禦寇來

和李長學士綿漢道中作

一轡澄清暫按州
卻因風景獨夷猶
弦殘漢月騶前曉
粉疊巴雲蓋外秋
持節頻年煩出使
富民虛日待封侯

省紆麗藻嗟行役正恐才多剩四愁

得揚州書

四郡連翩擁使旗多年不聽汝南雞宴開河朔千人帳
書用黎陽一襖泥水曲箭波喧夜櫓原田綠雨勸春犂
可嗟未預元規論坐據胡牀送月低

送韓廷評婺州市征

去程烟草妬藍袍越絕天文寶婺高五兩樵風船畫鷁
九秋犀燭驚翻濤吳鹽煮海通關賦陸橐收金析利毫

仙酎油囊鱸膾潔未妨餘暇左持螯

楊脩永嘉市征

漢祀壇邊望畫衣故人杯酒怨歌驪幾枝北道梅傳信
一味南方桂補羸後雨蒸青貽素葉舊塘生草繼妍辭
他年第頌歸何處名應唐家十二時

祇答相國龐公將至并部馬上郵寄

大旆前驅拂晉雲寒天迎望靜無氛幄中舊借留侯筋
麾下今分鄧禹軍馳屬橐鞬隨指顧賣殘刀斂事耕耘

據鞍抒思真餘力又占風騷第一勲

得杭州鄭資政書

誤拋荷橐別雲裘
天賜疎慵臥治州
轅下已疲猶戀主
道邊寧死不為鈎
風波路惡驚危涕
蓬葆年侵變黑頭
獨喜故人思契厚
冷灰遺甌遠相求

予既到郡有詔仍修唐書寄局中諸僚

一章通奏領州麾
詔許殘書得自隨
吾黨成章真小子
官中了事是癡兒
昏眸病入花爭亂
倦首搔餘雪半垂

所賴韋吳皆傑筆劉生當見汗青期

知幾論史嘗言垂
白有期汗青無日

雲夢李使者

關征盤錯帶南州三見丹楓墜楚秋
列侍百重圍虎戟酣歌犬八憶蛇矛
草生宵夢傳詩筆梅析春醒託使郵
雙鑠據鞍休自歎壁門初日待鳴騶

西征道中寄友人

賦就江毫一點然柳衰猶足代征鞭
鮫盤恨極無餘涕鵝瑟悲多有剩絃
斜日楚楓低候鴈早霜秦樹送殘蟬

文章滿腹真何益，深愧囊中趙壹錢。

南亭獨曠

在米陵

宇下雄風細細涼，客眸凝絕此回腸。
絡頭騎過羅敷陌，畢尾烏喧女子牆。
流水清渾迷別浦，碧雲高下送殘陽。
懷人撫物愁何盡，試借蘭成萬斛量。

題羅江翠望亭兼簡西游君子

暫解征鞍息使郵，孤亭望斷更夷猶。
山從劔北呈天險，樹徧巴西送客愁。
拂衽風和循幌入，濯纓江好近人流。

憑君且作剛腸憶懷遠思歸易白頭

自訟

史藁雖殘得自隨
兵符未解定堪嗤
淹留正似周南老
戲劇何爭灞上兒
鉛筆用多毛禿落
鬢髯愁罷雪粉垂
十年尚滯成書奏
可驗相如屬思遲

有人多病臥迷帷
誤舍寒耕失故畦
每畏賓朋嘲乘鴈
寧教子弟愛家雞
淹中學廢心都塞
轅下鳴餘耳更低
自顧上恩無一報
何顏歲晚望金閨

坐氈無客凍鷗愁
談樹蕭然雨見秋
執戟不知身寂寞
寫書猶得罪風流
官閒無日慙軒鶴
機盡多年謝海鷗
借問殿科能免否
杜陵男子有耕疇

欲棲鳥

湘竿風急未成棲
御史臺前見落暉
桂冷欲依秦氏宿
柳深先望白門歸
迎秋別恨填銀漢
未夜啼聲怨玉徽
悵望西樓珪月滿
惜君猶更向南飛

早發途中

六幕星翻斗轉車攬衣王粲更離家孤城隨月三撾鼓
碧樹啼烟九子鵲獨望殘雲愁霰雪暫聞長笛憶京華
霞朝莫問離懷苦帶眼愁多只有賒

喜雨

陰霞襲曉混層暉雨勢連天決決垂潑火正投寒食日
催耕併及杏花時波生客浦揚舠遠潤逼宵撾作摻遲
把酒命賓聊一笑吾農喜罷及吾私

景文集卷十八